

王先謙漢書補註

礪
三
題

王元美集

卷一

漢

書

舖

性

百

發

卷緒承子香四
金洲王氏校刊

民國五年上海同文圖書館印行

前漢補注序例

賜進士出身前翰林院編修國子監祭酒加五級 王先謙撰

自顏監注行而班書義顯卓然號爲功臣然未發明者固多而句讀譌誤解釋踳駁之處亦迭見焉良由是書義蘊宏深通貫匪易昔在東漢之世朝廷求爲其學者以馬季長一代大儒尙命伏閣下從孟堅女弟曹大家受讀卽其難可知矣宋明以來校正板本之功爲多國朝右文興學精采諸史海內耆古之士承流嚮風研窮班義考正注文著述美富曠隆往代但以散見諸書學者罕能通習先謙自通籍以來卽究心班書博求其義益最編摩積有年歲都爲一集命曰漢書補注臧之篋笥時有改訂忽忽六旬炳燭餘明恐不能更有精進忘其固陋舉付梓人自顧材識驚下無以踰越古賢區區寸心頗謂盡力疏譌之咎仍懼未免匡我不逮敬俟君子

據敘例顏監以前注本五種服虔應劭晉灼臣瓚蔡謨也大氏晉灼於服應外增伏儼劉德鄭氏李斐李奇鄧展文穎張揖蘇林張晏如淳孟康項昭韋昭十四家臣瓚於晉所采外增

劉實一家顏監於五種注本外增荀悅漢紀崔浩漢紀音義郭璞注司馬相如傳三家

說本王鳴

盛顏注發明駁正度越曩哲非叩人鼻息者也其中或引舊文據爲己說以史記索隱證之

張蒼傳柱下方書注乃姚察說淮南王安傳會有詔卽訊太子注乃樂產說郊祀志周始與秦國合而別別五百載當復合注乃顏游秦說

本洪頤煊

以文選李善注證之枚乘傳注隱匿謂

僻處於東南也乃韋昭說梁下屯兵方十里乃張晏說一本朱以詩王風譜疏證之地理志內

雒邑與宗周通封畿注乃臣瓚說舊唐書顏籀傳叔父游秦撰漢書決疑十二卷爲學者所

稱師古注漢書多取其義今書中未見本王鳴盛此外注文間用舊說皆爲證明以資識別原其

本意非必掩襲前賢或因已說冥符不復割捨尙非巨累至游秦行輩文學歸然在前盜實

遺名有慙德矣今補注所采悉出其人家世儒素昆弟相師先後三人慘歸黃土脊令原隰

垂老增唏片羽可珍敢忘護惜宗族講肄朋好往還賞析所存皆登斯輯亦公善之義也

顏注漢書至宋仁宗景祐二年韶州余靖宋史本傳字安道曲江人爲祕書丞奏言文字舛譌命與王洙

同校靖撰刊誤一書增入江南張佖校說六條宋祁云漢書中有臣佖者乃張佖江南人歸本朝太祖收諸僞國圖籍實館閣或召京朝

官校對皆題名卷末所謂景祐刊誤本也嗣又有宋景文公祁合十六家校本至寧宗慶元中建安劉

之問又取宋校本更別用十四家本參校又采入蕭該音義司馬貞索隱孫巨源經綸集學

官考異章衡編年通載楊侃兩漢博文漢書刊誤楚漢春秋史義宗本西京雜記朱子文辨

正孔武仲筆記三劉刊誤紀年通譜刻之爲建安本周壽昌云劉之問號元起書前題云建安劉元起刊於家塾之敬室余購得之

今存湘潭袁漱六同年芳瑛家顧千里析劉元起與之問爲兩人又訛作之問南監本又作之同明南監本卽用建安本者也但於注文刊

落甚多汲古閣本注文完足而去其敘例又於藝文志張良司馬相如東方朔揚雄賈誼傳

後附臣佖校語六條卽張佖也而三劉刊誤及景祐刊語皆未之采

國朝文教昌明圖書大備乾隆四年

武英殿校刊漢書用監本精校付梓別加考證今補注以汲古本為主使說併入注文遵用

官本校定詳載文字異同備錄諸人考證顏監敘例宋劉校語粲然具列庶覽者無遺憾焉

監本列宋景文參校諸本一古本顏師古未注以前本二唐本張唐公家所得唐本三江南本金坡遺事云太祖

三千卷皆紙札精好東原榮氏私記云江南本宣和間尚在御府

四舍人院本江南本在舍人院亦曰舍人院本劉之問云

院者一本二日故併稱之五淳化本國朝會要云淳化五年七月詔選官分校史記前後

漢畢遣內侍裴愈六景德監本國朝會要云咸平中眞宗命刁衍晃迴與丁遜覆校兩漢書

齋本就杭州鏤板板本迥知制誥以陳彭年司其事景德二年七月衍等上言

漢書歷代名賢注釋至有章句不同名氏交錯除無考據外博訪羣七景祐刊誤本年九月

書編觀諸本校定凡三百四十九卷籤正三千餘字錄爲六卷以進

祕書丞余靖上言國子監所印兩漢書文字舛謬恐誤後學臣謹參括眾本旁據它書列而

辨之望行刊正詔送翰林學士張觀等詳定聞奏又命國子監直講王洙與靖偕赴崇文院

讐對二年九月校書畢凡增七百四十一字八我公本今不詳九燕國本十曹大家本十一

損二百一十二字改正一千三百三十九字

陽夏公本十二晏本十三郭本十四姚本十五浙本十六閩本又列建安本參校諸本用宋

本校定復用一熙甯本熙甯七年參知政事趙抃奏新校漢書二卷子古本古字三史館本舊

諸家參校四國子監本宣和六年本五陳和叔本熙甯中所校六邵文伯本用宋景文七謝克念本用景文八楊伯

時本用謝本校九李彥中本用楊本校十張集賢本張瓌得唐世本校十一王性之本用景德中十二趙德莊

本用祕閣本校十三沈公雅本用祕閣本校十四王宣子本用祕閣本校景文校本近儒錢大昕王鳴盛等

皆信之惟全祖望以爲南渡末年麻沙坊中不學之徒依託爲之非出景文列有五證見鮚

埼亭集外編第四十六卷今案宋說淺陋誠所未免惟劉之問輩曾用以校定則固嘗有是

書不出南渡末也

國朝諸儒講求板本之學致力漢書者多用南監本此外如景祐本

王念孫父子校閩本錢大昭校

按察使周采提學副使周琬巡海副使柯喬等刊

汪本

朱一新校明汪文盛刊

德藩本

葉德輝校明德王刊

乾道本

朱乾道中刊

北監本

以上二本

先謙校

並備搜羅間有甄采良由文軌同塗眾善咸萃

內府精槧前無以加云

三劉刊誤出劉敞與其弟敞子奉世撰宋史敞傳云字原父臨江新喻人不言有此書惟攷

傳云字貢父邃史學作東漢刊誤爲人所稱司馬光修資治通鑑專職漢史奉世傳云字仲

馮精漢書學而已其實兩漢皆有三劉評論今書已亡賴監本存之斗南補遺援引蕪雜詳說

王氏十七史商榷

頗有芟取未從割棄蕭該音義采自監本雖非瑰寶亦資印證明代史評大暢競

逐空疏

國朝碩學雲興考訂精能超踰前古茲編廣羅眾家去取務慎沈文起疏證一書以後事稽

合前言自爲別派今但取有關書義者餘屏不錄

顏監敘例言曲覈古本歸其真正正史記正義論例云史漢文字相承已久若悅字作說閑字

作閒智字作知汝字作女早字作蚤緣古字少通共用之史漢本有此古字者乃爲好本劉

之問跋建安本漢書云自顏氏後又幾百年向之古字日益改易書肆所刊祇今之世俗字

耳識者恨之今得宋景文公所校善本雌黃所加字一從古愚案從古之字如俱爲其同爲

司蹤爲縱藏爲臧廂爲箱慰爲尉屢爲婁嗜爲耆屍爲死讓爲攘之類或係最初正文或出聲近通假非由古字之少旣展轉借寫彌久失真故東京文字不正流弊斯極而許氏說文出焉刊本存真不宜輒改若概目爲古字其蔽也愚或乃以爲六書假借之愴則去之愈遠矣

汲古本文字無定如以字作巳後多作以桓字作栢閒亦作桓及公孫賀等傳贊淵聖御名悉仍其舊或有譌脫乖誤之處並依前式加以注正書雖增新板如逢故惟官本劉宋注文有隔斷顏注者輒爲移易舊處俾免違滯

顏監於雜家傳記擇取綦嚴如太公名字四皓姓氏雖登史志並就茱落可謂慎矣西京雜記亦在屏除之列沈文起詆之引見傳中愚謂雜記不知撰人初無妄說又古事雅語並資多識

師古棄而不取而稱引顯相牴牾之楚漢春秋不悟其僞託抑又何也今依沈說仍采雜記此外如飛燕外傳之類概不闌入

王子功臣外戚恩澤侯表所列皆受國封而司馬貞之徒或云名號此大謬矣其不見地志者皆因免侯併省亦有侯表相符而地志不言侯國則班氏失書也其有先國而後縣或一國而前後兩封取覈表志原委咸在疑訟已久特爲揭明

班志地理存前古之軌迹立來史之準繩兼詳水道源流使後人水地相資以求往蹟可謂功存千古者也元魏酈道元水經注一書於漢世水道曲折具存實爲疏證班志而作前人

引用不得要領茲編於酈注諸水顛末畢備同郡之水則云自某縣來下入某縣隔郡之水則云自某郡某縣來下入某郡某縣脈絡畢貫臚載無遺更取歷代水地諸書爲之疏通發明訂正訛謬讀者因酈證班卽漢攷古然後遞推諸史上下數千年地理可以了然胸中律麻天文顏監無注

國朝錢李諸儒洞貫劉術更迭推衍三統以明天文圖籍紛陳管窺積歲補苴闕漏藉竟全功其餘得失之林開卷卽了遠俟百世不煩贅論

光緒二十六年歲次庚子二月初吉識於長沙城北葵園

引用諸書姓氏非注本書者不列

蕭該蘭陵人隋國子博士山陰縣公著漢書音義引見官本

張佖見上
有校說引見官本

宋祁字子京安州安陸人宋翰林學士承旨諡景文有校說引見官本

劉敞字原父臨江新喻人宋集賢院學士有刊誤引見官本

劉攽字貢父敞弟宋中書舍人有刊誤引見官本

劉奉世字仲馮敞子宋端明殿學士有刊誤引見官本

吳仁傑字斗南崑山人宋淳熙進士國子學錄著兩漢刊誤補遺

王應麟字伯厚河南祥符人宋淳祐進士禮部尚書著藝文志攷證

張照字得天江蘇華亭人官檢討刑部尚書諡文敏見官本攷證

勵宗萬直隸靜海人官編修刑部侍郎見官本攷證

陳浩官詹事府詹事見官本攷證

齊召南字次風浙江天台人官檢討禮部侍郎見官本攷證

杭世駿字大宗號荃甫浙江仁和人官編修見官本攷證

張永祚官欽天監博士見官本攷證

顧炎武字甯人一字亭林江蘇崑山人諸生著日知錄

閻若璩

字百詩山西太原人諸生
著潛邱劄記

何焯

字吧瞻江蘇長洲人官編修
著讀書記

全祖望

字紹衣一字謝山浙江鄞縣人官庶吉士
著經史問答地理志稽疑

王鳴盛

字鳳喈號西莊晚號西泚江蘇嘉定人官光祿寺卿
著十七史商榷

錢大昕

字曉徵號辛楣一號竹汀江蘇嘉定人官詹事府詹事
著廿二史攷異三史拾遺三統術衍三統術鈐

錢大昭

字晦之一字竹廬大昕弟舉孝廉方正
著漢書辨疑

陳景雲

字少章江蘇長洲人縣學生
著兩漢訂誤

李銳

字尙之江蘇元和人諸生
著三統術注

錢坫

字獻之太昕姪副貢生
著新刻注地理志

姚鼐

字姬傳安徽桐城人官刑部郎中
著惜抱軒筆記

王念孫

字懷祖江蘇高郵人直隸永定河道
著讀書雜誌

洪亮吉

字稚存江蘇陽湖人官編修
著四史發伏

段玉裁

字若膺一字懋堂江蘇金壇人舉人四川巫山縣知縣
著地理志校正

劉台拱

字端臨江蘇寶應人官訓導
著漢學拾遺

李麇芸

字生甫號許齋江蘇嘉定人官福建布政使
著炳燭編

沈濤

字西雍浙江嘉興人
著銅鼓斗齋四史隨筆

洪頤煊字筠軒浙江臨海人
著讀書叢錄

汪遠孫字小米浙江錢塘人
著地理志校本

吳卓信字立峯一字頊儒江蘇常熟人
著地理志補注

梁玉繩字曜北浙江錢塘人諸生
著人表攷證

王引之字伯申念孫子官禮部尙書諡文簡
見讀書雜誌

沈欽韓字文起江蘇吳縣人
著漢書疏證

何若瑤廣東番禺人

徐松字星伯直隸大興人官編修內閣中書
著西域傳補注地理志集釋

翟云升字文泉山東萊州人舉人
著校正古今人表

周壽昌字荇農湖南長沙人官內閣學士
著漢書注補正

汪士鐸字梅村江蘇上元人舉人
著漢志釋地略

陳澧字蘭甫廣東南海人舉人
著地理志水道圖說

李光廷字恢垣廣東番禺人官吏部主事
著漢西域圖考

張文虎字嘯山江蘇南匯人
著舒菽室隨筆

成蓉鏡字芙卿江蘇寶應人舉人
著史漢駢枝

俞樾字蔭甫浙江德清人官編修
著湖樓筆談

同時參訂姓氏

郭嵩燾

字筠仙湖南湘陰人官編修侍郎

朱一新

字蓉生浙江義烏人官編修御史著漢書管見參訂時書尙未成

李慈銘

字忞伯浙江會稽人進士官御史

繆荃孫

字筱珊江蘇江陰人官編修

沈曾植

字子培浙江嘉興人進士官戶部主事

王闔運

字王秋湖南湘潭人舉人

瞿鴻禨

字子久湖南善化人官編修侍郎

杜貴墀

字仲丹湖南巴陵人舉人

王啟原

字理菴湖南湘潭人官江華訓導

李楨

字佐周湖南善化人附貢生

葉德輝

字與彬湖南湘潭人進士官吏部主事

皮錫瑞

字鹿門湖南善化人舉人

蘇輿

字厚康湖南平江人舉人

陶憲曾

字伯成湖南安化人廩生

陶紹曾

字仲甫湖南安化人縣學生

王文彬 字蓮生湖南長沙人縣學生

王先和 字蕙庭湖南長沙人

王先惠 字敬吾湖南長沙人廩生

王先恭 字禮吾湖南長沙人附貢生分省補用知府

王先慎 字慧英湖南長沙人官道州訓導

汲古閣本卷首先謙補注不別立目錄即用此本卷首目錄以便檢閱惟地理志上旁注一二三地理志下旁注一二共新增五字雖卷帙加多無改舊式

班固前漢書凡百篇總一百二十卷補注洪頤煊曰敘傳班氏原目百卷今本一百二十卷蓋師古集注分高紀王子侯表百官公卿表律厯志食

貨志郊祀志地理志司馬相如傳嚴安以下傳揚雄傳匈奴傳外戚傳敘傳爲二卷王莽傳爲三卷五行志爲五卷隋書經籍志漢書一百一十五卷太山太守應劭集解顏注視應本

又多五卷梁書陸倕傳嘗借人漢書失五行志四卷視顏本五卷又異

十二帝紀一十三卷

八表一十卷

十志一十八卷

七十列傳七十九卷

顏師古注

皇明崇禎十有五年歲在橫艾敦牂如月初吉琴川毛氏開雕

索隱曰橫艾壬也爾雅作玄
默今從史記麻書補注王鳴

盛曰常熟毛氏汲古閣刻本字密行多篇帙縮減簡便可
喜但前明南監板有師古敘例此削去不存則來歷不明

前漢書目錄

補注盧文弨曰史記漢書書前之有目錄自有板本以來即有之爲便於檢閱耳然於二史之本旨所失多矣史公之自序卽史記之目錄班氏之敘傳卽漢書之目錄乃後人以其艱於尋求而復爲之條列以繫於首後人又誤認書前之目錄卽以爲作者所自定致有據之妄訾警本書者史記孟荀列傳以兩大儒總括之何嘗齒涓于髡慎到騶奭於其間哉貨殖等傳以事名篇與入書相類未嘗一一標姓名也譏漢書者以范蠡子貢白圭非漢人而入漢書爲失於限斷其實班氏何嘗爲范蠡諸人立傳卽彼蜀卓宛孔閭里猥瑣之流亦豈屑屑爲之標目與因人立傳者同乎明毛氏梓史記集解葛氏梓漢書正文其前卽據自序敘傳爲目錄亦爲便於觀者而尙不失其舊在諸本中爲最善矣朱一新曰漢書目錄刊書者以意爲之故各本詳略不同

帝紀一十二卷

年表八卷

本志一十卷

列傳七十卷

顏師古注

帝紀

第一卷

高祖上補注葉德輝曰監本德藩本帝紀某帝下皆有諱名小字

高祖下

第二卷

惠帝

第三卷